

nat, nec methodo supra descripta tractata praecipitatum fuscum ferrugineum demittat. Solvuntur duplo pondere aquae frigidae, fervidae minore quam aequali, aëris sicci contactu parum fatiscunt.

Vitriolum Zinci crudum, quod Manganium plerumque continet, nullo modo ita depurari potest, ut Floribus Zinci ex eo praecipitatione parandis respondeat.

† VITRUM ANTIMONII, Oxydum Stibii sulphuratum vitreum, Stibium sulphuratum oxydatum vitrificatum, Antimonium vitrificatum, Oxydulum Stibii semivitreum. *Spießglanzglas. Verre d'Antimoine.*

Rec. Antimonii crudi grossiuscule pulverati q. v., in testa figulina leni igne inter assiduum agitationem caute ure, cavens ne liqueatur, donec colorem griseum induerit. Ab initio ignis moderatissimus obtineatur, postea magis magisve augeatur, ut Sulphuris quam plurimum delagret et Antimonium in Acidum vertatur. Si forsan in grumas abierit, post refrigerationem de novo in pulverem redigatur. Pulverem griseum in crucibulo argillaceo funde animum eo advertens, ut fusus justum colorem habeat, nec nimis rubicundum, quod ulteriore calcinatione vel adjecto Antimonio diaphoretico evitatur, nec nimis pallidum, quod adjiendo Antimonio crudo curatur. Liquatum effunde in laminas lapideas in strata tenuia.

Sint frustula vitrea, colore aurantiaco pellucida, fragilia, acidis vegetabilibus et muriatico facile solubilia. Vitrum Antimonii Oxydum Antimonii impurum, Ferro plerumque et Sulphureto Antimonii semper gravidum, jure e re medica ejectum est. Inservicebat Vino emetico et Tartaro emetico parando, quae hodie facilius ex Antimonii oxydis puris praeparantur.

VITRUM ANTIMONII CERATUM Ph. Wirt.

Rec. Ceræ flavæ Drachm. unam, cui in cochleari ferreo fusae Vitri Antimonii in pulverem tenuissimum redacti Uncia una additur, totum leni igne liquatur et spatula continuo actum, per semihoram in pulverem, tabaco hispidum semulum, redigitur.

† ZINCUM ACETICUM, Zincum acetatum, Acetas Zincicus. *Eisenzinck. Zinkoxyd. Acetate de Zinc.*

Rec. Laminarum Zinci, vel Florum Zinci calcinatione praeparatorum q. v., leni calore solve in Aceto concentrato, filtra et evaporatione, sub finem spontanea, in crystallos fac concresecere.

*Usus*: externus pro collyriis et injectionibus.

Sint crystalli flexibiles, candidae, nitoris talcici vel matris perlarum. Continent Zinci acetici unum, Aquae tria pond. Mixt.

† ZINCUM FERRO-HYDROCYANICUM. *Eisenblausaures Zinkoxyd, Cyaneisenzinf. Ferrocyanure de Zinc.*

Rec. Kali borussici q. v., solve in decupla quantitate aquae destillatae, tum affunde solutionem Vitrioli Zinci puri, quamdiu praecipitatum album efficitur, quod aqua calida bene lotum exsiccet. Cum insequente voce saepius permutatum est. *Usus* nondum bene probatus nec virtus nota.

† ZINCUM HYDROCYANICUM, Cyanuretum Zinci. *Cyanzinf. Cyanure de Zinc.*

Rec. Kali borussici Unc. octo, in lamina ferrea leni igne penitus exsiccet, tum adde Cinerum clavellatorum depuratorum Uncias tres, haec intime misce et in crucibulo Hassiaco ad rubescentiam ignito funde. Massam effunde in laminam marmoream, crucibulum aqua fervida lava, aquam ex crucibulo in massam salinam infunde et hanc in ea solve, tum filtra per chartam. Solutioni Kali cyanati adde Acidi acetici, ut reactio distincte acida appareat, tum affunde Solutionem Vitrioli Zinci puri, quamdiu praecipitatum efficitur. Praecipitatum album aqua calida probe ablue tum exsiccet. Non male quoque praeparatur ex Acido hydrocyanico per distillationem obtento et Zinco acetico soluto, quibus praecipitatum idem Zincum scilicet cyanatum demittitur. Quum vero acidum hydrocyanicum optime ex Kali borussico cum Cineribus clavellatis fuso et Acido sulphurico diluto destillet, alteram operationem, distillationis scilicet, evitandam esse, censui, quod methodo illa fit. Pulvis albus hinc inde in spasmo ventriculi et neuralgiis adhibitus, cuius usus et virtus nondum satis bene elucet.

† ZINCUM IODATUM, Zincum hydroiodicum. *Jodzinf. Iodure de Zinc.*

Rec. Iodi q. v., Aquae destillatae triplum vel quadruplum, in vitrum orificio ampliore instructum immissis adice laminarum vel frustulorum Zinci metallici dimidium quod erat Iodum, et totum sepone per aliquot dies, donec miscela colorem penitus amiserit, tum filtra, solutionem evaporatione in patina porcellanea ad siccum redige. In vitris optime claudendis conde, quia humorem avidissime ex aëre colligit. *Usus* rarissimus, externus hinc inde in unguentis.



890 ZINCUM MURIATICUM — ZINCUM SULPHURICUM

† ZINCUM MURIATICUM vid.  
Butyrum Zinci (p. 143).

ZINCUM OXYDATUM ALBUM  
vid. Flores Zinci (p. 434).

ZINCUM SULPHURICUM s. VI-  
TRIOLATUM vid. Vitriolum Zinci pu-  
rum (p. 888).